

弘

簡

錄

弘簡錄卷四十六

皇后 唐七之一

高祖后竇氏

太宗后長孫氏

徐賢妃

高宗后王氏

中宗后趙氏

韋庶人

睿宗后劉氏

竇氏

玄宗后王氏

武氏

楊貴妃

肅宗后張氏

吳氏

代宗后獨孤氏

沈氏

德宗后王氏

紀氏

順宗后王氏

憲宗后郭氏

鄭氏

穆宗后王氏

蕭氏

敬宗貴妃郭氏

武宗王賢妃

孟才人

宣宗后晁氏

懿宗后王氏

王氏郭淑妃

昭宗后何氏

高祖后竇氏京兆平陵人父毅爲周土柱國尚武帝姊襄陽長

公主入隋爲定州總管神武公后初生有奇相髮垂過額三歲
與身齊讀女誡列女傳一過不忘武帝愛之異於他物命養宮
中時帝納突厥女爲后無寵常密諫曰國未安靖敵且強願抑
情撫接庶不擾吾江南關東帝嘉納崩日哀毀有同所生聞隋
高祖受禪自投牀下曰恨非男子不能救舅家之禍父母速掩
其口曰毋妄言赤吾族自是知其識見不凡不欲妄納入聘屏
間蓄二孔雀凡來請婚使射二矢陰約中目則許之閱數十皆
不合高祖故後射中各一目遂歸焉適元貞太后羸老有疾諸
姬畏其性嚴皆莫敢侍獨后事之怡謹盡孝或淹旬不釋衣履
復工爲丸誠篇章文雅尤善書與高祖相雜輒不能辨年四十
五劬於涿郡祖初爲扶風太守值煬帝好鷹愛馬勅以駿馬數
匹獻上不聽頃果坐譴祖追思后言方爲自安計數姿鷹犬異

騎帝喜遽擢將軍因泣謂諸子曰早用母言何久淹此登位迫
尊為皇后卽所葬固為壽安陵諡曰穆後祔獻陵加太穆生太
宗時夢有二龍之符於諸子中愛視最篤卽位後過慶善宮念
后罔極之恩因號慟左右皆泣卽正寢以享他日幸九成宮復
夢后若平生既寤泫然不自勝明日詔有司大發廩賑貧瘠以
為后報上元中增諡太穆順聖神皇后

太宗后長孫氏洛陽人其先出後魏獻文帝世襲大人之號為
宗室長賜姓長孫氏高祖擢大丞相封馮翊王曾祖子裕衛尉
卿封平原公祖光襲封為左將軍開府儀同三司父晟字季涉
復書史性趨鸞曉兵法仕隋為左驍衛將軍母高氏揚州刺史
敬德之女后少嗜讀書喜觀圖傳視善惡以自鑒矜尚禮法晟
兄熾為周通道館學士嘗聞太穆勸撫突厥女心誌之語晟曰

此人明睿必有奇子故擇歸李氏年方十三歸寧之日舅士廉
夢大馬立舍外命占之遇坤之泰筮者舉易卦占象以對後皆
符合初受冊爲秦王妃時隱太子構彙高祖復多內寵后內盡
誠孝外承諸妃消釋嫌猜及難作方引將士入官授甲后親慰
勉士皆感奮由皇太子妃立爲皇后贈父司空追封齊王諡曰
愍后性約素服御祗取給不尚華侈益觀書帝或言及朝廷政
事輒以蠶織爲辭固要不對後庭有過請帝繩之侯意解徐爲
開釋不令有覓嬪御或生公主視如所生疾病輒御藥診視戒
慎以仁兄無忌拜僕射輔政后切諫歷舉前代鑒誠帝固用之
復密諭令牢讓不獲已始聽喜見顏間幼時喪父異母兄安業
無行與無忌戚逐還外家後安業與李孝常等謀反將誅恐人
疑其釋憾復叩頭祈請遂得減流太子承軋孔媼請增東官什

程瑛曰所患在無德不能保身揚名何以繩爲從幸九成宮集
慈會聞柴紹惡變帝甲而起卽興疾以從官司諫止后曰上方
爲驚吾何敢自逸疾稍亟太子欲請赦度僧后曰赦令大事佛
老異教上素所憎豈宜以吾亂之且死生有命若修福可延吾
早爲善設爲善無效更復何求旣而羣臣請帝許之后反固爭
而止及大漸泣與帝訣適玄齡小譴就第初以久事陛下預奇
謀秘計非大故幸勿棄之又妾之本宗願以外戚奉朝請無屬
樞柄以益禍亂復戒厚葬但因山爲壙繩以瓦木不忘斯言是
妾受福其納忠容諫遠讒省政帝能保終如一卽無遺恨遂劾
年三十六上爲之慟及官司上其所撰女則十篇採古婦人善
事論漢使外戚預政馬后不能力爲檢抑乃戒其車馬之侈此
謂捨本恤末不足尚也帝覽而嘉嘆以后此書足垂後代令梓

行之又與羣臣言我豈不通天命而溺於情乎。顧以入內不聞善言。大夫良佐。哀不可已。既謚以文德。葬昭陵。因九變山以成美志。帝自序始末。揭陵左上。元中加謚文德順聖皇后。

賢妃徐氏名惠。家本儒族。父孝德。弟齊。媵姪堅。皆以學聞。惠生五月。能言四歲。通魯論。毛詩。八歲自能綴文。父使提雞。懸爲小山篇。詞甚典美。太宗聞之。召爲才人。手未嘗廢卷。而辭致贍蔚。恒無淹思。帝益禮顧。拜爲婕妤。再遷充客。擢其父水部員外郎。益思以義報恩。乃上疏畧曰。守初保末。聖哲所難。業大者易驕。善始者難終。竊見項年東戍。遼海西討。崑丘士馬罷耗。漕運漂沒。捐有盡之農。趨無窮之罄。圖未獲之衆。喪已成之師。是知地廣非常安之術。人勞爲易亂之符。又因營建翠微玉華等宮。言爲政之本。貴在無爲。有道之君。以逸逸人。無道之君。以樂樂身。

至於伎巧爲喪國斧斤。珠玉乃蕩心鴆毒侈麗之源不可不遏。陛下盍思志。驕於業。泰體逸於時安。其剗切精詣。大畧如此。帝善其言。優厚賜之。年方二十有四。常謂所親。帝遇我厚。願得身先。狗馬以侍。園寢帝崩。遂哀慕成疾。不肯進藥。爲七言詩及連珠。以見意。而卒。贈賢妃陪葬。昭陵女弟。爲高宗婕妤。亦有文藻。世以擬漢班氏。

高宗后王氏。并州祁人。祖思政。魏尚書左僕射。父仁祐。貞觀中爲羅川令。后幼而淑婉。從祖母同安長公主。以白太宗。納爲晉王妃。昇儲冊。居東宮。擢其父陳州刺史。卽位立爲皇后。父拜特進。封魏國公。尋卒。贈司空。母柳氏。魏國夫人。素性簡重。位居正嫡。不屑曲事。上下母見。內人尚宮亦無浮禮。帝先寵蕭良娣。與之忿爭。更相短毀。會又立武昭儀。性特詭險。初與后共排良娣。

何后所薄必曲意款結之得賜與盡以分遺凡后所爲必先得之如懷異謀譖后與母挾左道爲蠱厭帝信之益寵過昭儀削后母門籍不許入宮罷舅柳爽不許知政復因李義府等陰佐昭儀以偏言怒帝遂下詔廢后與良娣皆爲庶人囚之宮中流后母兄良娣宗族悉於嶺南遂立昭儀爲后許敬宗又奏奪仁祐官爵久之帝哀念后與良娣間行至囚所呼之二人流淚嗚咽武后知之促令人各杖之百剔其手足投醢器中晉曰二婦骨醉數日方絕良娣罵曰武氏狐媚翻覆我死後爲貓使武后鼠生生扼其喉以報后聞詔六宮母畜猶改其姓爲臬后姓爲蟒自此后類見二人被髮瀝血爲厲以巫祝解謝徙蓬萊宮厲復見故多駐東都中宗卽位乃復其姓

中宗后趙氏京兆長安人祖綽武德中有戰功終右領軍衛將

軍父瓌母卽常樂公主后初聘爲英王妃歸藩邸武后不喜幽于內侍省高鍵牢密死日不知瘞亦不記其所神龍元年追冊爲皇后謚曰恭贈瓌左衛大將軍及中宗葬定陵議者以韋庶人義絕不當祔以后禕衣納于寃輿川太牢祭告遷入寢宮招寃葬之加上尊謚曰和思順聖皇后

韋庶人京兆萬年人祖弘表貞觀中爲曹王府典軍中宗在東宮選爲妃嗣位立爲皇后無幾帝廢同徙房陵每詔使至帝懼禍輒欲自盡賴后勸止艱危累年情義甚篤許以得見天日不復相制及復位后與上官昭容干預大政武三思因昭容引入宮得幸於后至與升御牀博戲帝從劾典舞不以爲忤由是醜聲頗聞三思諷羣臣上尊號曰順天皇后親謁太廟左拾遺賈虛已舉先朝慘禍爲鑒不聽神龍三年宗楚客率羣臣請加號

翊聖詔可禁中又傳有五色雲起后衣飾繪圖以示因大赦賜百官母箋封號太史迦葉志忠上桑條歌十二章言后當受命與昔高祖時歌桃李于太宗時歌秦王破陣樂高宗時歌側堂堂天后世歌武媚娘今上時歌英王石州不約而同賜以第一區綵七百段太常少卿鄭愔因之被于管絃補闕趙延禧解釋爲十八代之符請頒示天下編諸史冊帝大喜擢延禧諫議大夫昭容復諷后如則天故事收服人心表增出母喪服三年民二十三爲丁五十九免五品以上母妻不出夫子封者喪得用鼓吹詔皆從之昭容母鄭氏及尚宮柴氏賀婁氏多樹親黨廣納賄賂別降墨敕斜封拜官貴賤無所分別又引女巫趙氏封隴西夫人出入禁中三年帝親祀南郊后爲亞獻明年元夕與帝微服觀燈縱宮女淫奔不爲檢制引善符術藥壻能善醫馬

秦客善烹調楊均皆得入宮與后淫烝帝既被弑內外諸客
客及安樂公主后大懼秘不發喪與兄韋溫定策立溫王重茂
爲皇太子尊后爲太皇后列府兵五萬以溫總制守護官拔諸
韋濯與播分掌左右屯營捷與璿璿甥高崇及武延秀共典羽
林飛騎萬騎然後發喪太子卽位是爲殤帝皇太后臨朝京師
大恐言且革命播璿等入軍中鞭督立威士不爲用悉出慈言
臨淄王因人情不安夜引兵披玄武門入羽林殺諸人斧闕叩
太極殿后遁入飛驎營及延秀安樂皆爲亂兵所殺分捕諸韋
諸武與其支黨悉誅之梟首東市貶爲庶人用一品禮以葬

睿宗后劉氏父子將毘陵通守帝初在藩納爲孺人俄爲王及
皇太子妃生寧王卽位尊爲皇后降號皇嗣復爲妃長壽二年
戶婢團兒誣與竇德妃挾纒道祝詛正月二日朝則天於嘉豫

殿既退同時被害楚時秘密莫知所在睿宗卽位與德妃同時
追冊皇后諡曰肅明 竇氏家世見外戚帝封相王納爲孺人
姿容婉淑動循禮則卽位進德妃生玄宗追冊之後金招蒐堊
東都之南肅明日惠陵后曰靖陵立別廟曰儀坤帝崩追稱皇
太后又同祔橋陵以子貴先祔睿宗廟室至開元二十年始祔
肅明太廟初諡曰昭成或謂增太字又引睿宗聖真冠諡授范
曄漢光烈等爲比太常議曄以帝號標后諡是史家記事體未
必是當時諡且入廟稱后繫夫稱太繫于今帝尚在漢法不可
爲據制從之天寶八載制詔自太穆而下六皇后並增上順聖
二諡乃與肅明昭成並稱順聖皇后

玄宗后王氏同州下邳人梁冀州刺史神念裔孫父卽仁岐小
字阿忠帝封臨淄王聘爲妃將清內難密預大計卽位立爲皇

后以無子愛弛而武妃有寵后不平訴之帝因欲廢后示曰
曰陛下獨不念阿忠脫紫半條易斗筲爲生且湯條耶帝惻然
動容由是久不廢其兄守一爲求厭勝術浮屠明悟教以祭北
斗取禱盤木刻天地字及帝識咒而佩之曰後有子與則天比
開元十二年事覺帝自臨問有狀制詔有司皇后天命不祐華
而不實有無將之心不可以承宗廟廢爲庶人有王譔作翠羽
帳賦以諷帝不聽未幾后卒以一品禮塋素以撫下有恩後宮
無短毀復思慕之帝亦尋悔寶應元年追復皇后 武氏恒安
王攸止女幼入宮帝卽位漸得幸以皇后廢冊爲惠妃崇其禮
秩與皇后等帝初在路愛趙麗妃以倡幸有容止善歌舞擢其
父元禮兄常奴皆美官及是恩弛卒諡曰和又爲臨淄王時選
皇甫德儀劉才人愛亦減薄妃乃專寵封所生母楊氏鄭國夫

人擢弟忠國子祭酒信秘書監將立爲后御史潘好禮諫以武氏干紀亂常天下共疾以妾爲妻春秋所惡願慎選華族稱神祇之心今民間咸言張說欲因立后功圖復右相若一儷宸極儲位且將不安古人所以杜其漸者有以也遂不果立堯時年四十追冊皇后諡曰貞順塋敬陵 楊氏卽武后母黨會祖士達隋納言天壽中追封鄭王父知慶太尉后以景雲初入宮爲良媛值太平公主構逆左右悉持兩端凡宮中動止必以聞帝不自安會媛方娠密語侍讀張說身且不保奈何育子命挾劑以入密於曲室煮之者有介而戈者環鼎三由是三煮盡覆以告說曰天命也乃止生男是爲肅宗卜又不宜養乃命王皇后舉之撫如所生玄宗卽位擢貴嬪肅宗爲忠王進妃其姊卽節愍太子妃開元十四年妃生寧親公主乃堯葬細柳原說爲誌

以舊恩故後以寧親家其子肅宗至德二載太上皇自蜀
詔有司議尊稱追冊皇后謚曰元獻寶應中移祔泰陵

貫妃楊氏隋梁郡通守汪四世孫徙籍蒲州之永樂父玄瑛早
卒幼養叔父玄珪家始聘爲壽王妃帝自武惠妃薨後庭無當
意者聞妃姿質天挺難於改盟乃令出白已意丐籍女官入居
禁中號太真教以歌舞妙臻音律更爲壽王聘韋昭訓女而太
真得幸性機警迎意輒悟遂專房闈宮中號爲娘子儀體與皇
后等天寶初位進貴妃追贈父太尉齊國公權叔光祿卿宗兄
鉅鴻臚卿錡侍御史尚惠妃所生太華公主最見寵遇漸及於
到賜名國忠三姊皆有美色帝呼爲姊封韓虢秦三國夫人出
入宮掖聲焰轟發臺省州縣奉其請托奔走期會過於詔敕四
方獻餉結納門若市肆信成公主與妃家忤至追內封物奪駙

馬獨孤明官忽一日薄譴還第帝輒不食皆怒左右高力士探知帝意白以殿中供帳司農酒餼送妃所帝不覺聲諾仍分御膳以賜是夕乃召妃還入見伏地泣謝帝亦憮然愈見親渥明日諸姨上食藥作上大喜驟賜左右不貲并諸姨錢歲百萬爲脂粉費加銛上柱國門列戟二弟三姨五家第舍聯亘擬宮禁一堂不斬千萬見他第或勝輒去更營之務以宏麗相誇工役不息四方所貢奇珍異產分賜五家如一踵銜於道妃從游幸力士控馬執轡凡供築組追琢日以千計詭服秘玩變化若神遠近爭鬪新奇進嶺南節度使張九章銀青階擢廣陵長史王翼戶部侍郎由是天下風靡性嗜荔枝必生致乃悅踏車頭馬郵傳數千里味輒未變九載得罪謫歸第國忠謀於吉溫說帝何惜宮中一席廣使之甘心乃更外辱乎帝感動輒食詔

中人張翊光賜妃。妃對之斷髮一縷附謝於帝曰。膚髮外皆上所賜。今罪當誅死。願留此髮。念帝罪見駭。旋召入。禮遇如初。已而幸秦國及國忠第。賜咸鉅萬。每十月幸華清宮。五宅車馬別爲五隊。隊各一色。俄頃合之。川谷成繡。遊鈿塵。爲狼藉於道。香聞數十里。十載元女。妃家復與廣寧主爭關門。鞞挺護。旋置主於馬。見帝泣訴。祇詔殺奴。仍貶駙馬程昌胤。官國忠子。耻復尚萬春公主。賄尚延和郡主弟鑑。尚丞榮郡主。又爲玄瑛立廟。帝自書其碑。銘與秦國早死。惟韓號國忠最久。諸王子孫婚聘必先因以請謝。皆數百千金。帝寵安祿山。約與諸虜爲兄弟。又得以母事妃。來朝必宴餞。結帷後以誅國忠爲名。且指妃及諸虜罪而反。帝欲令皇太子撫軍。因解以位諸楊大懼。國忠入白妃。銜塊請死。帝恚沮止。及西幸。至馬嵬。陳玄禮等已誅國忠。平

尚不解帝遣力士問故曰禍本尚在帝不得已召妃與訣殺之
路旁祔下以紫茵裹尸瘞道卅年三十八帝還道過其所使祭
之且令改葬禮部侍郎李揆奏龍武衛士尚從恐反仄自疑帝
乃止密遣中使具棺槨葬於他所啓瘞之際故香囊猶在極以
獻帝視之感泣如雨命工闔貌別殿朝夕饗噎號國弃國忠妻
裴柔俱奔陳倉縣令薛景仙誅之

肅宗后張氏邠州向城人徙新豐祖母竇氏昭成皇后女弟立
宗幼失母嫂鞠愛篤備卽位封邵國夫人親寵無比五子去惑
去疑去奢去逸去盈皆顯官去盈尚常芬公主去逸太僕卿生
后肅宗爲忠王初納兗州都督韋元珪女封孺人昇儲進妃選
后爲良娣妃兄堅爲李林甫構死太子懼請與妃絕削髮幽禁
中佛舍祿山反乃薨良娣自是專侍太子慧中而辨能迎憲州

合從玄宗幸蜀民遮道乞留太子收復京師始懼不敢從賴以
胡贊其謀遂定計北趨靈武道路多虞每遇止宿軍衛單弱輒
請居前太子謂非婦人事對曰倉卒有變妾身當之大家可徐
爲計及駐靈武方產辟卽起縫衣太子令止答曰今豈自養
時耶軋元初冊拜淑妃贈其父左僕射封母義章縣主姐李曇
妻清河郡夫人妹師師鄭國夫人弟清潛尚太常延和二郡主
俄立爲皇后詔內外命婦悉朝光順門加清特進封范陽郡公
帝不豫后箴血寫經以示誠既寤遇獨專且能牢記天下事乃
相讓政多受請謁外任李輔國以遂其私親蠶苑中琴臣命婦
咸相禮儀物甚盛二年諷羣臣上尊號爲明聖李綰固爭不可
會月蝕乃止帝惑其謀徙上皇西內久而不朝適遇端午日召
見山人李唐時帝擁幼女而坐唐問陛下念之乎曰然唐曰恐

太上皇今日亦念陛下帝法然涕下然以內制於后卒不敢請
將銜建寧王俛論其短卒被譖死太子懼禍事後謹甚屢欲危
之及帝大漸后與內官朱輝光等謀立越王係而李輔國程元
振矯上命召太子以兵劫后幽于別殿代宗已立羣臣請廢爲
庶人殺之清潛與舅竇胤信皆流放支黨伏誅 吳氏濮陽人
父令珪以郿丞坐事死后自幼沒入掖庭肅宗在東宮爲李林
甫所搆內懼甚入謁玄宗見其髮斑禿大不悅因幸其宮顧
庭宇不掃乘罷塵積旁無嬖侍謂高力士曰兒居處乃爾將軍
弗使我知道乎詔選京兆良家子五人媢侍太子力士恐人藉口
請取掖庭衣冠女界之詔可得三人而后再在中容止端麗寵遇
特隆忽一夕寐而不寤太子驚問對曰適夢被甲神人降我懷
中以劍決脅而入殆不能堪燭至文尚隱然遂生代宗帝以嫡

孫三日臨深體孱弱如不勝負姆恐取他宮兒以進帝視之不
樂姆叩頭言故帝曰趣取兒來既見大喜向曰禮之福過其父
駕還顧力士盡雷內宴樂具與太子飲一日粟三天子古今罕
有后性謙柔太子禮之甚渥年十八薨初塋春明門外卽位時
張后已廢羣臣請神主祔肅宗廟乃追尊爲皇后謚曰章敬合
祔建陵啓故宅貌澤若生衣皆赭色是者嘆異謂有聖子之符
代宗后獨孤氏父穎左威衛錄事參軍帝初爲廣平王娶韓國
夫人女崔氏爲妃生子僖封召王宮妃父崔岫秘書少監妃倚
韓國勢頗嬌媚及后被誅禮沒薄葬後獨孤始以姝豔進居常
專夜愛遇第一卽位冊爲貴妃大曆十年薨帝始終加厚送終
盡禮券稱其情追冊爲皇后謚貞懿仍悼思不已故璣內殿累
年不葬後三年詔於都左治陵欲朝夕望見之補闕姚南仲諫

止乃葬莊陵詔常袞為哀冊極道悽惋以中帝意又詔羣臣為
挽辭擇其尤悲者令歌之贈文工部尚書官其宗叔卓少府監
兄良佐太子中允 沈氏吳興人世為冠族父易直秘書監開
元末后以良家子選入東宮賜皇孫廣平王實生德宗天寶亂
從幸不及囚東都被廷王入洛得相見會方北討未及迎還仍
留洛陽宮復為史思明所沒失后所在詔訪求存亡十餘年不
能得德宗卽位下詔贈后會祖士衡太保祖介福太傅父易直
太師弟易良司空舅震太尉一日并拜百二十七人賜其家不
貲易良妻崔氏入謁帝易服召王韋二美人出拜令勿答建中
元年造尊為聖母皇太后奉上册寶於含元殿獻獻感咽左右
皆泣中書舍人高參上機宜川漢故事令有司擇日分遣諸沈
編行天下物色各訪宣述皇帝孝思翼上天降休靈命允答乃

數睦王述為奉迎使副以工部尚書喬琳昇平公主備侍起居
往往假名無質索驗皆窮會高力士女頗能言禁中事年狀差
似又女官李真一嘗從后游頗知一二相與合謀希圖黨外引
后書削脯哺帝傷左指高亦嘗刮瓜傷指為證是時宮中無識
后者於是迎還上陽宮馳使以聞帝喜羣臣皆賀力士子白其
誣有詔寧受百欺冀得一真卒以無聞貞元七年又贈外高祖
琳為司徒封徐國公為立五廟以琳為始祖勿無近屬錄族子
房為金吾將軍奉其祀憲宗即位有司建言皇太后厭代二十
有七年大行皇帝至孝哀思罔極凡舟車所至罔不建遺歲月
推遷參詰理絕乃因大行啓殯詔羣臣為發哀肅章內殿中人
奉袂衣至幄座朝夕上食告天地宗廟謚曰睿真耐神主代宗
廟備法駕奉祿衣招魂納于元陵

德宗后王氏父過官秘書監帝為魯王時納為嬪生順宗深見寵禮卽位冊為淑妃贈父揚州大都督母鄭氏郟國夫人弟果眉州司馬子姓劓戚拜官者二十餘人貞元三年妃久疾帝念之立為皇后冊禮方訖而歿葬靖陵謚曰昭德立廟樂曰坤元之舞教宰相張延賞柳暉等製樂曲永貞元年改祔崇陵 妃

韋氏咸里舊族祖灌尚定安公主初為長姊貞元四年冊拜賢妃性敏淑言不苟出動循禮度帝深重之官壺事無不聽至於後宮莫不師其德行帝歿自表畱奉園陵元和四年薨

順宗后王氏家世見外戚后幼以良家子選入宮為才人順宗在藩代宗特以賜之時年十三封為孺人是生憲宗正位東宮冊為良娣柔順仁惠言容恭謹宮中化之及卽位帝有疾日夕候侍不離左右冊禮將行復止永貞內禪尊為太上皇后元和

元年尊爲皇太后冊禮畢憲宗御紫宸殿宣赦后后典慶宮宮
性畏慎裁抑外家一無所假訓厲內職有古后妃風十年崩年
五十四附葬豐陵謚曰莊獻

憲宗后郭氏汾陽王孫帝封廣陵王聘以爲妃順宗重其家世
禮之異諸婦生穆宗元和元年冊爲貴妃時帝後庭多嬖惑后
族華盛尊位已極鉗掣不得肆故冊報後時八年羣臣三請立
爲皇后復以來歲子午爲忌十五年穆宗嗣位尊爲皇太后後
御興慶宮凡遇朔望帝率百官詣宮門朝歲時生誕慶賀燕饗
上壽或良辰美景大宮戚里內外命婦車騎駢壘環佩之聲鏗
如也位上性奢朝夕供御益務華衍嘗幸驪山登覽徘徊帝自
幸昭應奉迎游豫行樂數日方還帝勸中人謀請臨朝稱制后
怒取詔書焚之曰我家世守忠義非比武彘太子已長但得貴

相輔之。汝輩勿預朝政。何患國家不安。自有無有。如主在上。而能致理者。郭釗亦上箋。請先率諸子納官爵。歸田里。乃止。穆宗立。尊爲太皇太后。及遇弒。內外震駭。倉卒下令。召江王嗣皇帝位。是爲文宗。事。后尤有禮。凡蓋果鮮珍。及四方奇奉。必先獻宗廟三宮。而後御之。歷武宣二代。尊奉益隆。恩禮愈異。大中年。鈔謚曰懿安。祔葬景陵。后歷位七朝。五居太母。福壽隆長。無與倫比。識者以爲汾陽之報云。鄭氏丹陽人。或言本爾朱氏。元和初。有相者言。后當生天子。綺聞納爲侍人。後反誅。沒入掖庭。侍郭皇后。憲宗幸之。生宣宗。封光王。后爲王太妃。居大明宮。卽位尊爲皇太后。不肯處別殿。帝奉養惟謹。朝夕躬省。候焉。懿宗立。尊爲太皇太后。咸通三年。帝奉后宴三殿。命翰林學士侍立。結綺樓下。六年。鈔謚孝明。七年五月。葬景陵。初。園主祔別廟。弟

光見外戚

穆宗后王氏趙州人父紹卿金華縣令帝位東宮召入侍長慶
初冊為妃生敬宗即位尊為皇太后贈父司空母張氏趙國夫
人文宗時稱寶曆太后太和五年宰相奏稱號未辨爭賀曆太
后居義安殿宜曰義安太后詔可會昌五年冊諡恭僖懿光
陵東園 蕭氏閩人初選入十六宅帝為建安王得侍寢生文
宗即位尊為皇太后封姊蕭氏徐國夫人初入關去家遠不知
父母存亡惟記有母弟帝為訪之有代人蕭洪冒稱因姊婿呂
璋白見姊亦不識太后誤以為真悲不自勝帝乃拜洪金吾將
軍出為河陽三城節度使稍徙鄜坊仇士良魅之會閩又有男
子蕭本復稱太后弟就其家得三代族屬名諱士良以聞自鄜
坊收洪下獄按治詔流驪州半道賜死擢本錢善大夫寵贈三

世不淹旬，賜累鉅萬，衛尉卿金吾將軍會福建觀察使唐扶奏泉州男子蕭弘自言皇太后弟，送赴闕，御史臺參問非是，貽義劉從諫奏，衆詞皆言是真，請追與本，辨有詔三司高元裕孫簡惟郁雜問乃皆妄，本流愛州弘僂州其太后真弟，屏弱，孺莫能自達，終亦不獲，是時懿安太后居興慶宮寶曆太后居慶安殿，后居大內，號三宮，太后帝每五日問安，及歲時慶謁率由復道至南內，羣臣及命婦詣宮門候起居，開成中元夕帝御咸泰殿，天然燈作樂迎三宮，太后奉觴上壽，禮如家人，諸王公主皆得侍武宗時徙居積慶殿，又號積慶，太后大中元年崩，冊諡貞獻，韋氏自爲太子時得侍長慶間冊爲妃，生武宗卽位妃已薨，追冊爲皇太后，諡曰宣懿，封后二女弟爲夫人，名所葬同曰福陵，仍合食穆宗廟室。

敬宗貴妃郭氏右威衛將軍義之女長慶末以姿容選入太子宮卽位爲才人生晉王普帝以早得子妃又淑麗冠後庭特寵異之贈義禮部尚書權兄瓌少府少監賜大第踰年冊進貴妃文宗時愛其子禮遇不衰後薨

武宗賢妃王氏邯鄲人年十三性機悟善歌舞選入宮帝爲穎王穆宗以賜開成末王嗣帝位妃陰爲助進號才人遂有寵狀纖服頗類帝復能騎射每吹微苑中才人必從校服光修畧同至尊相與馳射出觀者莫知孰爲帝也又欲立爲后宰相李德裕以無子且家不素顯恐詒天下議乃止後帝因惑方士寢不豫才人每謂親近曰陛下日燎丹藥意取不死而膚澤消槁吾獨愛之俄而疾侵亟帝因其侍左右熟視之曰吾氣奄奄情慮耗盡願與汝辭答曰陛下大福未艾安得語此不祥帝曰

脫如我言。奈何。泣曰。萬歲之後。妾願以殉。帝不復言。及大漸。才人悉取所貯。散遺宮中。帝已崩。卽自經。幄下。內外皆義之。咸爲感慟。宣宗卽位。嘉其節。贈賢妃。塋端陵之柘城。時帝又語孟才人曰。朕卽不諱。爾當何如。孟指筮囊泣曰。請以此筮。上惘然。復曰。妾嘗藝歌。請對上歌一曲。以泄其憤。上許之。乃歌一聲。河滿子。雙淚落君前。氣亟上。立殞。帝命醫急療。對曰。脈尚溫。而腸已斷。及帝崩。柩不能舉。羣臣曰。非俟才人乎。乃與視同舉。而後出。

宣宗后晁氏。少入邸。最見寵。答卽位。以爲美。人大中中。薨。贈昭容。詔翰林學士蕭真銘其窆。具載生。鄂王萬壽公主。後帝在位。年高。惡言後事。反以夔昭等五王居內。隄衛鄆王出閣。居十六宅。卽位。是爲懿宗。外頗疑非長。真出銘辭。以示外廷。始解。乃追

冊爲皇太后上尊諡曰元昭節后二等以上親悉官之配主宣宗廟自建陵曰慶陵置宮寢

懿宗后王氏咸通中冊號貴妃生普王七年懿十四年王卽位是爲僖宗追尊皇太后冊諡惠安耐主懿宗廟卽其園爲壽陵后屬總以上悉官之 昭宗母王氏共出至微咸通中列後庭得幸生壽王而卒王立爲帝追號皇太后冊諡恭愍耐主懿宗室卽故墓號安陵召后弟瓌官之倚爲外家景福初瓌位任瘦重爲中尉楊復恭所忌覆其家 妃郭氏幼入郾王邸王以嫡長居外心常憂懼賴妃護侍左右慰安起居終得無恙卽位拜爲美人進淑妃以女同昌公主尚韋保衡處內宅故出入娛飲不禁譁言與保衡亂莫得其端僖宗立保衡緣他罪且汗舊劾貶死妃猶處禁中黃巢之難妃不及從流落民間不知所終

昭宗后何氏梓州人帝爲壽王后得侍婉麗多智恩答厚甚卽位進號淑妃從幸華州冊立爲皇后時事危迫后消息撫御暫獲保全光化三年帝獵夜歸后遣德王還邸遇劉季述留王紫廷院明日季述等挾王陳兵召百官脅帝內禪后恐加害天子卽取璽綬付季述遂與帝同幽東宮賊平反正天復中從帝駐鳳翔李茂真請帝勞軍不得已后從御南樓朱全忠逼帝東遷威柄盡喪前後左右皆悍逆賊徒賴后侍膳服無須臾去側至洛與帝忽忽相視恨無死所已而遇弑宮中不敢哭哀帝卽位尊爲皇太后徙居積善宮號積善太后帝將禪天下后亦遇害冊曰開成更化記述獨詳母后闕文言恐無當何況軋符

冠亂張皇新書舊史觀者可傷

弘簡錄卷四十七

明刑部員外郎仁和邵經邦弘齋學

皇清翰林院侍講學士四世孫遠平校閱

公主 唐七之二

高祖女平陽柴紹附高密段長廣趙慈九江執失思力

衡陽阿史那社丹丹陽薛高微千金 常樂趙瓊

太宗女襄城長樂晉陽巴陵柴令東陽高履

臨川周道城陽杜荷高陽房遺高宗女宣城王太平武攸

中宗女新都長寧 新寧 安樂武崇訓睿宗女代國

涼國郎國玄宗女新昌臨晉楚國昌樂寧親

太華蕭國和政柳潭代宗女昇平郭慶華陽

趙國 德宗女唐安義陽王士順宗女漢陽郭範咸寧新

雲安

張克

襄陽

張克

壽陽

憲宗女

真源

立

中

安

太和

穆宗女

義豐

永安

太和

穆宗女

義豐

金堂

淮陽

饒陽

郭仲

宣宗女

西華

萬壽

鄭顯

廣德

于琮

懿宗女

同昌

昭宗女

平原

高祖太穆后生平陽公主下嫁柴紹字嗣昌晉州臨汾人祖烈

周驃騎大將軍歷遂梁二州刺史封冠軍縣公父慎隋太子右

內率封鉅鹿郡公紹幼趨捷有勇力以任俠聞補隋千牛備身

義旗建由間道趣太原遇建成元吉時追書甚惡二人欲且殺

小賊權以自濟紹悉執以爲功止之遂共走太原授右領軍大

都督府長史大軍發晉陽兼領馬軍總督將至霍邑遣察宋老

生形勢還白乃匹夫之勇我師若到必然成擒從下臨汾平絳

郡盆先登陷陣授右光祿大夫與史大奈合擊桑顯和孫華紹

引軍直掩其背顯和大敗進平京師武德元年遷左翊衛大將

軍從平薛舉破宋金剛降王世充擒竇建德論功封霍國公轉右驍衛吐谷渾與党項寇岷州命討之敵據高臨下射紹軍紹設計誘之乃遣二女子對舞諸人琵琶絃管敵果駐弓聚觀陣遂不整密使精騎自後擊之遂大潰斬首五百餘級貞觀中平梁師都歷左右二衛出爲華州刺史七年加鎮軍大將軍改封燕國公寢疾帝親臨問卒贈荊州都督諡曰襄子哲威襲爵歷右屯營將軍坐弟令武謀反徙嶺南起爲交州都督卒公主有膺畧善謀算方紹越太原時主居長安謂紹曰公行矣我自爲計卽奔鄂縣發家財招南山亡命數百遣家奴馬三寶喻降名賊何潘仁與共攻鄂別部賊李仲文向善志丘師利等各率所領來會因畧地蓋屋武功始平皆下之申軍法誓衆禁剽奪遠近咸附勦兵七萬威振關中引精兵萬人與秦王會渭北紹以

數百騎。金南山來迎。主與對置幕府。號娘子軍。帝禪位。以佐命
功。古所未有。給資不貲。武德六年。薨。葬日。特加前後部羽葆鼓
吹。大輅。麾幢。虎賁甲卒。班劍。謚曰昭。三寶初。以平京城功。拜
太子監門。率擊叛寇。劉牧。真於北山。破之。又從平薛仁果。遷左
驍衛將軍。復從紹擊吐谷渾先鋒。陷陣。斬其名王。前後。鹵男女
數千口。封新興縣公。至大將軍。卒。廢朝。謚曰忠。

高密公主。初嫁長孫孝政。卒。改適段綸。隋兵部尚書。文振之子。
授駙馬都尉。累遷工部尚書。封杞國公。永徽六年。主薨。遺命。墓
必東向。以望獻陵。不忘孝也。

長廣公主。幼聰悟。有思致。工爲詩。高祖愛之。始封桂陽。帝徵時。
見隴西人趙慈景。姿美。故以妻之。義師起。人皆亾去。獨勸帝無
以我爲意去。且安往。遂爲吏捕繫獄。京師平。引拜相國府文學。

封開化郡公進兵部侍郎出爲華州刺史以討堯君素戰死贈秦州刺史謚曰忠公主更嫁楊師道晚稍豪侈自肆遂終

九江公主下嫁執失思力本突厥酋長貞觀中護送隋蕭后入朝授左領軍將軍以論降渾斛薩部落有功稍得親近帝嘗逐兔鹿苑中脫巾帶固諫而止討遼東詔屯金山道薛延陀兵十萬寇河南初示以羸不與确伺深入至夏州乃整陣擊敗之追躡六百里會毘伽可汗死耀兵積北而歸預平吐谷渾封安國公坐交虜遺愛以戰功多高宗赦不誅流嵩州主請削封邑偕往麟德元年復主封邑前卒龍朔中思力起爲歸州刺史卒贈勝州都督謚曰景

南昌公主下嫁蘇勗字慎行瓌之從父武德中爲秦王諮議典籤文學館學士遷魏王泰府司馬博學有美名泰重之勸開館

引文學士撰括地志歷吏部侍郎太子左庶子卒子幹擢明經
授徐王府記室參軍王好畋每諫止之垂拱中遷魏州刺史河
朔饑檢吏督姦勸課農桑流民盡復稱爲良牧拜右羽林將軍
遷冬官尚書來俊臣誣與琅邪王冲通書繫獄發憤卒

衡陽公主下嫁阿史那社尒突厥處羅可汗次子年十一以智
勇聞拜拓設建牙磧北與頡利子欲谷設分統鐵勒回紇僕骨
同羅諸部處羅卒哀毀如禮治衆十年不爲厚斂部落豐餘首
領咸愛之數諫頡利用兵弗納貞觀元年薛延陀叛將餘衆西
保浮圖城會頡利滅西突厥葉護死奚利必咄陸可汗兄弟爭
國尒引兵襲之得其衆十餘萬自號都布可汗選騎五萬討延
陀于磧北連兵十旬士苦其久潰去遂爲延陀所敗率衆內屬
處其部于靈州十年入朝授左驍衛大將軍典衛屯兵十四年

授交河道行軍總管平高昌受賞多取老弱陳幣上美其廉賜
高昌寶鈿刀雜綵仍令管北門左屯營封畢國公從征遼東中
流矢擐去復戰所部奮厲皆有功還兼鴻臚卿二十一年擢崑
丘道行軍大總管討龜茲師次西突厥擊處密處貞敗之入自
焉耆西兵出不意龜茲震恐進屯磧石至多祿城其王率衆拒
戰悉兵逐北因拔都城王輕騎遁又下大撥換城擒其王并下
五大城遣左衛郎將權祗甫狗諸酋長示禍福降者七十餘城
宣諭威信莫不歡服刻石紀功而還因說于闐王入朝王獻馬
畜三百餉軍西突厥焉耆安國皆爭犒師屬太宗崩請以身殉
衛陵寢高宗喻以先旨不許遷右衛大將軍卒贈輔國大將軍
并州都督陪葬昭陵治冢象慈山謚曰元子道真歷左屯衛大
將軍從父史忠復娶宗女定襄縣主父即阿史那蘇尼失太

宗賜以姓名單稱史氏字義節蘇尼失初爲沙鉢羅設督部落
五萬牙直靈州西北爲人驍雄有恩惠甚得種落之心頡利立
爲小可汗及頡利破舉衆歸國因令忠擒頡利以獻賞賜優厚
拜北寧州都督右衛大將軍封懷德郡王卒 忠初拜左屯衛
將軍歷右衛右驍衛大將軍永徽初封薛國公凡宿衛四十八
年以清謹見稱居父喪哀毀過禮時比之金日磾卒贈鎮軍大
將軍謚曰貞陪葬昭陵子暕襲封垂拱中歷司僕卿

丹陽公主下嫁薛萬徹嫌其卷甚不與同寢者數月帝聞而笑
爲置酒悉召他婿與從容語因令握梁牀所臥乃陽不勝遂解
賜之主喜命同載以歸萬徹初事隱太子內難起督官兵戰玄
武門示以太子首然後去亾之南山太宗數使貨論乃出謝以
其忠於所事不罪從李靖討頡利以功授統軍進爵郡公歷右

左二衛將軍蒲州刺史副李勣擊薛延陀戰破南爲先鋒統擊
陣後敵顧見遂潰斬首三千級獲馬萬五千封一子爲縣侯遷
代州都督右武衛大將軍與李勣江夏王道宗俱稱名將太宗
嘗言勣與道宗雖不能大勝亦未嘗大敗至萬徽非大勝卽大
敗矣。伐高麗爲青丘道行軍總管帥師三萬次鴨綠江以奇兵
襲大行城鹵其將所夫孫高麗震恐遂傳泊汭城引衆三萬來
援擊走拔之以在軍中任氣不能下爲人所奏帝愛其功焚書
加以讓勣副將裴行方言其怨望廷驗之除籍徙邊赦還永徽
三年授寧州刺史入朝與房遺愛昵因曰我雖病足坐置京師
諸輩猶不敢動遺愛曰若國有變當與公共輔荆王謀洩下獄
伏誅

千金公主改封安定下嫁溫挺私通薛懷義挺死又嫁鄭敬玄

素巧佞善進奉請以則天后爲母改姓武氏加邑號延安大長公主賜實封以子克又娶武承嗣女內禁叅問不限早晚見乃盡歡后大誅宗室惟主獨全

常樂公主下嫁趙瓌高宗於公主恩遇隆厚遷瓌左千牛衛將軍定州刺史女卽中宗妃武后幽殺之絕主朝謁逐瓌括州刺史徙壽州主隨之官越王貞將舉兵遺瓌書假道瓌將應之主進使者曰爲我謝王與其進不與其退若諸王皆丈夫不應淹久至是我聞楊氏篡周尉遲迥乃周出猶能速突厥使天下響震元諸王國之懿親宗社所託不捨生取義尚何須耶人臣同國患爲忠不同爲逆王等勉之王敗周與劾瓌與主連謀皆被殺

太宗女襄城公主下嫁蕭銳性孝睦動循矩法帝敕諸公主視

爲師式。有司告營別第。辭曰：婦事舅姑如事父母。若

定省有闕。且今葺故第。門列雙戟。銳卒更嫁。姜簡永徵。二年。薨。高宗舉哀於命婦朝堂。遣工部侍郎丘行淹弔祭陪葬。昭陵喪次。故城帝登樓望哭。

長樂晉陽新城三公主皆長孫皇后所生長。樂下嫁長孫冲。敕有司裝資。視長公主倍之。魏徵諫以長公主尊行。昔漢明帝有言：朕子安得同先帝子禮。有等差。渠敢過越。平帝以語后。后曰：嘗聞陛下厚禮魏徵而未及知。今聞其言。乃納主於義。真社稷臣也。妾於陛下夫婦之重。有所言。猶候顏色。况臣下情。附禮殊而敢犯嚴顏。陳忠言哉。願許之。與天下爲公。帝大悅。仍請齋帛四十匹。錢四十萬。卽徵家賜之。晉陽公主字明達。幼性渾厚。未嘗見喜愠色。帝有所怒。必伺顏。徐辯官中多蒙其惠。莫不譽。

愛后崩時晉王及主最少不能識帝親畜之至五歲經后所游地哀不自勝王初出閣主送至度化門泣而別曰兄今與羣臣同列不得在內帝亦爲流涕堯年十二詔有司薄主湯沐營佛祠墓側 新城公主下嫁長孫詮以罪徙嶺州更嫁常正矩爲奉冕大夫遇主不以禮主暴薨高宗詔三司雜治遂伏誅以皇后禮葬昭陵旁 清河公主名敬字德賢下嫁程知節子懷亮 薨麟德時陪葬昭陵懷亮終寧遠將軍 蘭陵公主名淑字麗貞下嫁太穆族子竇懷愁堯顯慶時懷愁官兗州都督 巴陵公主改封北景下嫁柴令武累除太僕少卿衛州刺史封襄陽郡公永徽中坐與房遺愛謀反同主賜死顯慶中追贈立廟於墓四時祭以少牢

東陽公主下嫁高履行高宗時進號大長公主韋正矩誅主坐

婚家斥徙集州章懷太子累奪邑封武后惡長孫無忌舅族并
二子徙置巫州

臨川公主韋貴妃所生工籀隸能屬文高宗立上孝德頌優詔
褒答下嫁周道務永徽初進長公主恩賞卓異永淳初徙道務
殿中監燕郡公範子孺祿卽以功臣子饗宮中範卒遷第毀瘡
如成人復內之年十四乃得出歷營州都督檢校右驍衛將軍
卒諡曰襄

城陽公主下嫁杜荷初婚帝使卜之爻曰二火皆食始同榮末
同戚請豈婚則吉馬周諫曰朝謁以朝思相戒也講習以晝思
相成也燕飲以辰思相歡也婚合以夜思相親也故上下有爻
內外有親動息有時吉凶有儀若之何可先亂其始夫卜以决
疑若黷禮慢先聖人所不用帝乃止荷後賜爵襄城郡公果以

承乳事誅主更嫁薛瓊麟德初歷左奉宸衛將軍坐主巫蠱事
斥房州刺史主從之官咸亨中並卒 子顓爲濟州刺史封河
東縣侯琅邪王冲起兵與弟紹以所部庸調造兵械募士應之
事泄下獄死

高陽公主改封合浦下嫁房玄齡子遺愛帝愛主禮異他塔主
負而驕導遺愛與兄遺直異貲譜以惡言遺直自陳帝痛讓乃
止自是愛稍疏主好浮屠封地有佛廬與遺愛獵見而悅之卽
帳其所與僧辨機亂賜以金寶神枕爲御史所劾浮屠誅死殺
奴婢十餘主怨望帝崩無哀戚容使掖廷令陳玄暹伺官省禮
祥私令僧智劫占卜惠弘步星視鬼及道士李冕高醫某皆得
入侍俄謀反覺賜死

高宗女義陽宣城二主蕭淑妃所生幽掖廷年四十不嫁太子

弘烈然爲請后怒命以上衛士配之久乃改封高安下嫁潁州
刺史王勗天授中武后誅勗神龍初進冊長公主實封千戶開
府置官屬睿宗立增千戶開元時薨玄宗泣於驛政門遣大鴻
臚持節赴弔京兆尹攝鴻臚護喪事義陽下嫁權毅無傳

太平公主則天后生愛傾諸女始以后母榮國夫人死丐爲道
士以資冥福儀鳳中吐蕃請和親后不欲遠離乃築觀居之受
清靜戒如方士以拒久之主紫袍玉帶冠拆上巾具紛礪歌舞
于前帝及后大笑默識其意擇薛紹尚之假萬年縣爲婚館門
隘不能容翟車有司毀垣以入自興安門設燎相屬紹死更嫁
武承嗣會有小疾罷婚爲殺武攸暨妻以主配之后以主方額
廣頤多陰謀類已使與內謀外復自檢無他皆議預誅二張功
增號鎮國并薛武二家女皆食實封主與相衛成三王長寧安

樂二主咸紛衛士環第十步一區持兵呵衛偕肖官省神龍時
與宜城新都定安金城凡七公主皆開府置官屬視親王拜三
子崇簡崇敏崇行皆三品正官韋后時上官昭容用事自以謀
出主下甚憚之主亦自以軋而可勝故益橫多持金帛誘進天
下士動以大義遠近翕然嚮之玄宗將誅韋后與主密計遣子
崇簡以從事成封立節郡王時將立相王未有發其端者主欲
劫温王以爲功乃入見相王言天下事皆歸於王此非兒所應
得掖之下殿取乘輿服以進睿宗卽位主權益震加實封至萬
戶三子俱王餘皆祭酒九卿每奏事漏盡數刻始退言無不從
或有論薦多自寒穴躡躡侍從旋踵將相朝廷大政事非關決
不下間不入朝宰相就第咨外天子盡可而已以待武后久善
策人主徵指先事逢合輒中機會上腴田園徧近甸吳蜀嶺嶠

市作罷用。州縣護送。道可相望。天下珍奇。盡充庭塞。路供帳聲。夜與天子等。侍兒曳紈。殺者數百。奴及媪。監千人。隴右牧馬萬匹。所幸長安僧慧範。畜貲千萬。冒誅張易之功。封上庸郡公。復私通乳媪。奏擢三品。爲御史大夫。監察御史魏傳弓劾其姦。贓四十萬。請論死。中宗欲赦之。傳弓又言。刑賞國之大事。陛下賞已妄加。又欲廢刑。天下謂何。帝不得已。削銀青階。同臺慕容珣。薛謙光。復劾其不法。不可貸主。爲申理。反以離間得罪。玄宗以太子監國。使宋岐二王總禁兵。主怒分其權。乘輦至光範門。召宰相白廢太子。於是宋璟姚元之奮請出。主東都。帝不許。詔居蒲州。主大失望。太子懼。奏斥二人以銷戢嫌。悉凡居外四月。太子復表。追還京師。既內忌太子。剛明外侍宰相七人。五出門下。親軍左羽林大將軍常元楷。李慈皆私黨。與乃蓄逆謀。使元

借慈將羽林兵入武德殿殺太子而令竇懷真岑羲蕭至忠崔
湜薛稷并雍州長史李晉散騎常侍賈膺福鴻臚卿唐駿及慧
範等皆爲外應約有期日太子得其姦先期二日發覺成誅
滅主聞亾入南山三日而出賜死于第諸子及黨與死者數十
人簿錄貲產珍珎若山凡三年不能盡崇簡知主謀苦諫大被
楚毒得復官爵賜姓李以主所作觀池樂游原賜寧申岐薛四
王都人歲被禊其地攸暨初自右衛進封定王實封戶六百遷
麟臺監司祀卿長安中降王壽春加特進中宗時拜司徒進開
府儀同三司延秀誅降楚國公爲人沈謹和厚於時無忤專自
奉養而已先主卒贈太尉并州大都督謚忠簡後坐大逆追論
之削爵剗墓

中宗女新都公主下嫁武延暉

宜城公主始封義安郡主下

嫁裴異怒異嬖寵刖耳剝鼻且斷異髮帝怒斥爲縣主左遷異久之復故封神龍元年與長寧新寧宜城安樂新平五郡主皆進封 新寧進封定安下嫁王同皎死後再醮韋后從弟濯爲衛尉少卿復被誅三婚大府卿崔銑堯同皎子請與父合塋給事中夏侯銛駁以義絕王廟思成崔室逝者有知將拒諸泉乃止銛坐貶瀘州都督新平字季姜進封咸安下嫁韋捷被誅

長寧公主韋后所生下嫁楊慎交使楊務廉營第東都及成府財幾竭擢爲將作大匠尚未進居復取京師高士廉第合左金吾衛故管共爲一宅右屬都城左頰大道作三重樓以馮觀築山浚池帝及后數臨幸置酒賦詩又并坊西隙地廣鞠塲及丐東都廢永昌縣治爲府以地瀕洛築堤郭之崇臺蜚觀相聯屬無慮費數百萬魏王泰薨以故第與民東西盡一坊滸沼三百

公主又得之亭閣華詭塔西京內倚母愛寵傾一朝與安樂
宣城二主后妹郿國崇國夫人爭任事昧諂紛紜韋后敗斥慎
交絳州別駕與主偕往乃請以東都第爲景雲祠而鬻西京第
評木石直錢二十億萬開元十六年慎交死主更嫁蘇彥伯務
廉坐賦廢

安樂公主最幼帝遷房陵而生自解衣以祿名曰喪兒及長姝
秀辯敏后尤愛之下嫁武崇訓帝欲寵耀其下親迎之日令宰
相李嶠蘇味道及沈佺期宋之問諸有名士造作文辭慢泄相
矜無復禮法擢崇訓太常卿兼左衛將軍封錦國公實封戶五
百光豔動天下侯王柄臣多出其門嘗作詔主隱其前請帝署
可笑而從之又請爲皇太女魏元忠諫不可主恚曰山東木強
烏足與論大事阿武子尚爲天子我天子女尚何嫌乎及開府

官屬尤濫皆出屠販納貨售官由是蠶敷斜封盛行營第及佛
廬皆效宮省而工緻過之用司農卿趙悅溫繕治累石肖華山
峯縱橫邪曲復請昆明池爲沼帝曰先帝未嘗許人主不悅
自鑿定昆池延袤數里淵回九折以石澗水言可抗之又治寶
鑑鏤怪獸神禽間以珠貝珊瑚不可涯計武延秀者母本沒入
之婦承嗣被賜而生初封淮陽王時突厥獻駿薦女和親后令
延秀納之詔與閻知微往被留不得歸神龍初默啜請和因延
秀送款還封相國公左衛中郎將爲人姿度閒冶通突厥語倣
其謳舞大爲公主愛悅教與宴昵會崇訓死卽再尚焉嫁日假
后車輅自宮至第帝與后御安福門臨觀詔雍州長史寶懷貞
爲會禮使弘文學士爲偵介用相王障車捐賜金帛不可勝算
朔日太會羣臣太極殿主被服出嚮天子再拜南面拜公卿皆

伏地稽首武攸暨與太平主偶舞爲壽帝賜羣臣帛數十萬御承天門大赦賜民酺三日內外官賜勳緣禮官屬兼階爵奪臨川長公主宅爲第宥徹民廬怨聲四起第成禁藏空殫假萬騎仗內音樂送入天子親幸宴近臣擢延秀太常卿兼右衛將軍改封恆國公前駙馬崇訓子方敷歲襲父封主滿孺月帝后復臨幸大赦天下三思死韋后復私延秀益自放肆無忌憚掠民子女爲奴婢左臺御史袁從一縛屬臺送獄主人訴手詔論免臨淄王兵入主方寬鏡作眉聞亂走至右延明門與延秀同斬首追貶爲悖逆庶人睿宗葬以二品禮履溫諂事主嘗褻朝服以頂挽車至是父子併被刑百姓疾其典役割取肉去

睿宗劉皇后生代國公主字華城下嫁鄭萬鈞開元中主寢疾其子潛躍侍左右造次不離累三月不頤面刺血爲書請諸神

所以身代及焚書。獨不化神。許二字。羽曰主愈。戒以無言。涼國公主字華。莊始封仙源。下嫁薛伯陽。郕國公主崔貴妃所生。三歲而妃薨。哭泣不食三日。如成人。始封荆山下。嫁薛傲。又嫁鄭孝義。開元初封邑至千四百戶。金仙公主始封西城縣。主願爲道士。築觀京師。拜方士史崇玄爲師。卽領護作崇玄本。出寒賤。以事太平主。得出入禁中。拜鴻臚卿。聲勢光重。日興萬人。羣浮屠疾之。聚錢賂在人。段謙冒入承天門。升太極殿。自稱天子。有司執之。辭曰。崇玄使我來。詔流嶺南。且敕自今無兩競。太平敗伏誅。玉真公主字持盈。始封崇昌縣主。俄進上清玄都大洞三景師。天寶三載復願去。公主號龍邑司。歸之王府。玄宗不許。以其詞之懇。請入數百家之產。延十年之命。帝知主意。乃許之。寶應初薨。

玄宗女俱無可稱新昌公主下嫁蕭嵩子衡嵩娶入謝帝呼爲
親家儀物貴甚 臨晉公主皇甫淑妃所生下嫁鄭潛曜歷太
僕光祿二卿以孝行著聞 楚國公主始封壽春下嫁吳澄江
上皇居西宮獨主得入侍興元元年請爲道士賜名上善 昌
樂公主高才人所生下嫁竇鏐 寧親公主下嫁張說子垺
玄宗眷之厚許禁中置內宅垺又侍上爲文珍賜不可數嘗爲
帝賀禮舉止都雅悅之因幸內宅許以相位爲楊國忠所忌國
忠嘗止祿山求平章事會詔力士往餞其還歸爽心懷抑鬱知
欲相之而不行者國忠謂此語他人不知必張垺告之帝怒貶
垺盧溪司馬歲中遷爲太常卿後受祿山僞相死賊中 咸宜
太華二主皆真順皇后所生咸宜下嫁楊洞又嫁崔嵩太華下
嫁楊鈞 廣寧公主董芳儀所生下嫁程昌胤又嫁薛克真

萬春公主杜美人所生下嫁楊肱 樂城公主下嫁薛履謙坐
嗣岐王珍事誅 新平公主常才人所生幼智敏慧淑曉文墨
習知圖訓帝賢之下嫁裴玲又嫁姜慶初歷肅代朝恩禮優厚
慶初得罪上幽禁中薨大曆時 壽安公主曹野那姬所生下
嫁蘇發

肅宗女蕭國公主始封寧國下嫁鄭異又嫁薛康衡貞元元年
降回紇英武威遠可汗乃置府二年還朝貞元中讓府屬更置
邑司邵國公主始封延光下嫁裴徽又嫁蕭升有穠德升卒以
姦盜事聞德宗怒幽之別第決配所與往來別駕蕭鼎豐陽令
韋恪司馬李萬詹子李昇等諸子位佩儒侶悉逐遠恐女爲皇
太子妃帝畏其怨望將殺之未發會主壽太子乃殺妃

和政公主章敬太后所生三歲后崩養于韋妃性敏惠事妃能

孝下嫁柳潭河中解人祿山亂姑寧國公主方薨居主樂三子以馬載姑身與潭步行躬薪水奉侍潭兄澄貴妃姊嬀勢倖傾朝未嘗干以私及死撫其子如所生從至蜀復遇郭千仞反玄宗御玄英樓諭降不聽潭率折衝張義童等殊死鬪主親鼓弓遂斬賊五十級平之後待肅宗疾有勞詔賜之田以未賜妹寶章主固讓不敢當阿布思妻赫拔廷列於倡優主諫逆人妻不容近至尊又不可與羣倡處爲免出之復善貿易取麻錢千萬贍軍又進封邑之賦以助山陵代宗立屢陳人間利病國家盛衰事上屢向納遭吐蕃亂避地南奔商於諭降羣盜皆稽顙願爲奴有餉億者一不取猶親紉裳衣訓諸子勿服紈綺方娠子逢吐蕃再寇入見內殿語備邊計潭固止辭曰君獨無兄乎至明日免乳而薨代宗哀之撫其子晟愛加諸甥俾與東宮同學

詩書恩寵無比累試太常卿從幸奉天密啓與賊帥有舊願受詔入京遊說德宗壯而遣之事洩爲朱泚所囚破械逃遁爲僧間道以歸遷將作少監以護作崇陵封河東縣子授山南西道節度使會討劉闢軍士謀作亂愍止之復爲將作監充冊立回鶻使還擢左金吾大將軍爵爲公卒贈太子少保

代宗女昇平公主崔貴妃所生下嫁郭子儀子曖初爲太常主簿試殿中監封清源縣侯寵冠戚里大曆末授左散騎常侍建中時主坐事留禁中朱泚亂逼署僞官辭以居喪被疾與公主潛奔奉天德宗嘉之釋主罪進暖金紫光祿大夫賜實封五百戶尋遷太常卿貞元三年襲封代國公卒年四十八贈左僕射元和時主薨贈號國公主賜謚昭懿女卽懿安皇太后贈暖太傅主齊國大長公主四子鑄襲封劍長七尺方口豐下初爲

奉禮郎與錠皆爲左金吾大將軍改工部尚書充邠寧節度使
入爲司農卿憲宗寢疾有妄議太子者勸以旦夕視膳何慮之
有時稱得元舅體穆宗卽位轉戶部尚書歷鎮河陽三城晉絳
慈隰徙河中尹敬宗立召拜兵部尚書又帥劍南東川太和中
南蠻寇成都詔兼領西川貽書蠻酋相與修好約無侵犯天子
嘉之卽拜西川節度使以疾請代爲太常卿卒贈司徒

華陽公主貞懿皇后所生自幼聰悟過人能候上顏色發言必
隨喜愠上所喜因而美之所惡必曲全之由是鍾愛特異大曆
七年以病尙爲道士號瓊華真人九年病亟上親自臨視屬纊
之際嚙傷上指薨後嗟悼過深數日不視朝宰相數以爲請方
始復故附葬母莊陵之園 趙國公主始封武清貞元元年徙
封嘉誠下嫁魏博田緒德宗幸望春亭臨餞厭翟敵不可乘代

以金根車自此出降始有乘者元和時薨謚莊懿貞元十二年
新都公主下嫁田華具禮光順門由是五禮復廢

德宗女唐安公主昭德皇后所生幼謹孝帝愛之許嫁秘書少
監韋宥未下而朱泚亂從至固城薨加封韓國公主謚曰貞穆
咸安公主下降回紇武義成功可汗置府薨元和時追封燕國
公主謚襄穆 義陽公主嫁王武俊子士平恣橫不法坐幽禁
中銅士平私第不令出入門下客蔡南史獨孤申叔爲作團雪
散雪辭狀離曠意帝聞怒捕南史等逐之幾廢進士科薨追封
魏國公主謚憲穆士平初補原王府諮議加秘書少監出爲安
州刺史坐交結中貴貶賀州司戶以與弟士則奏獲張晏等拜
左金吾大將軍令襲承宗官爵

順宗女漢陽公主名暢與咸寧雲安二主皆莊憲皇后所生初

封德陽郡主下嫁郭子儀孫錐字利用宰相薦其才不當以外戚廢乃拜右金吾將軍封太原郡公恭遜折節不以富貴加人性復周畏不立赫赫名有諫於上退必毀棄家人子弟亦無知者歷國子祭酒太子詹事終開府官死使贈尚書左僕射文宗惡戚近羣爲奢詔主獨尚儉進見帝視其衣服問以何年法對曰妾是貞元時辭官所服皆當時賜未嘗敢變又問今之俗弊何代而然對曰元和後數用兵悉出禁藏纖麗物賞戰士由是散於人間內外相矜狃以成風今如陛下示以所好誰敢不從帝悅詔宮人視主衣製廣狹徧諭諸主且敕京兆尹禁切浮靡主常用鐵簪畫壁記田租所入誨諸女曰先姑有言吾與若皆帝子驕盈貴侈可戒不可恃開成五年薨咸寧郡主下嫁鄭何進普安公主薨追封梁國公主蓋恭靖西河公主始封武

陵郡主下嫁沈翬翬卒改適郭子儀孫錡錡性和易累爲殿中
監太子詹事宮苑閑廐使長慶三年卒無子乃以先沈氏生子
嗣主葬于咸通時

雲安公主下嫁劉士深官至少列家富于財交通樞倖遷太府
卿制下給事韋弘景薛存慶封還言近戚不合居九卿辭語激
切憲宗諭以其父昌有邊功事不宜執制命始行

襄陽公主始封晉康縣主下嫁張茂昭猶子克禮主縱恣常微
行市里有薛樞薛渾李元本皆得私侍而渾尤愛倖往謁渾母
如姑有司欲致詰多與金使不得發克禮以聞穆宗幽主禁中
元本乃功臣惟簡子故貸死流象州樞渾桂州

潯陽公主

崔昭儀所生太和三年度爲道士歲賜封物七百匹 陽安公

注始封清源郡主下嫁江孫系葬追封虢國公主

憲宗女永昌公主始封普寧郡主帝特愛之下嫁于頤第四子
季友加光祿大夫坐居喪荒宴削奪俄復之主薨追封梁國公
主謚惠康度支奏義陽義章二主葬用錢四十萬時因用兵詔
減千萬

岐陽公主懿安皇后所生故事多選戚里將門帝見權德輿婿
獨孤郁文雅歎賞始詔宰相擇大臣子選尚皆辭疾李吉甫以
杜棕應詔見於麟德殿授銀青光祿大夫帝爲御正殿臨遣由
西朝堂出復御延喜門止主車賜資從金錢開第昌化里疏龍
首池爲沼以尚父大通里亭爲別館貴震當世主事舅姑有禮
姑寢疾不解衣藥糜必嘗後進所賜奴婢假寒皆上還之勾直
自市從棕刺澧州從婢不過十餘屬食乘驢不受州縣供具開
成中主疾侵願朝興慶宮薨于道謚莊淑服久不謝文宗怪之

李珣奏比駙馬爲公主皆服斬衰三年帝覺然詔從禮制著于令

真源公主始封安陵下嫁杜中立字無爲尚書羔子庶補太子通事舍人拜著作郎數求自試言朝廷法令備具不任以事何賴貴戚帝聞異之歷光祿太僕衛尉三少卿左右金吾二大將軍遷司農卿天性不爲寬假所至蒞事精明下吏寒保畏服竟爲所中傷左徙慶王傅久之復職入謝奏輦轂之下百司姓名不肯事如司農尤叢劇陛下無趨信流言假臣數月事可濟矣帝許之初度支以六官發錢移司農季出付吏大吏盡舉所給於人權其子錢故管不以時給乃更立法取錢納帑中率五日一出吏不得爲姦加檢校右散騎常侍出爲義武軍節度使民苦徭車三千歲輓額游鹽罷之更置飛雪將數百具舟以載民

不勞而軍食足大中十二年大水自按行引御水入之毛河故
得無患卒年四十八贈工部尚書

安平公主下嫁劉異宣宗時宰相除異平盧節度使帝以唯一
妹時欲見之乃止後隨異居外歲時輒乘驛入朝軋符時薨
永安公主長慶初許下嫁回鶻保義可汗會死不行太和初
爲道士詔賜邑印如尋陽公主故事且歸婚貨

太和公主下嫁回鶻崇德可汗可汗死國內大亂劫主度磧求
天德城以居上不許賜書畧曰公主每馬首南向得不畏高祖
太宗之神靈欲侵擾邊疆能不思太皇太后之恩愛乃止會昌
三年來歸詔宗正卿李仍叔秘書監李踐方等告景陵主次太
原詔使勞問以黠戛斯所獻白貂皮玉指環往賜至京師詔百
官迎謝再拜故事邑司官承命各拜有司議官卑不可請以主

左右上媵承拜兩稽持命又詔神策軍四百具鹵簿羣臣班廷
主乘輅謁憲穆二室欬歔流涕退詣光順門易服褫冠鈿待罪
自言和親無狀帝使人勞慰復冠鈿乃入羣臣畢賀明日主
謁太皇太后進封定安長公主廢太和府

穆宗女義豐公主武貴妃所生下嫁韋處仁

淮陽公主張

昭儀所生下嫁柳正元 金堂公主始封晉陵下嫁郭釗次子
仲恭爲詹事府丞

僖陽公主下嫁郭釗季子仲詞開成二年兄仲文襲父太原郡
公給事中盧弘宣奏釗妻沈氏公主女代宗皇帝外孫仲文冒
嫡不應襲若使仲文承嫡則沈氏當黜兄仲詞亦不得尚主乃
詔仲詞檢校殿中少監襲封而仲文以太皇太后故置不問

宣宗女西華公主下嫁嚴祁爲刑部侍郎懿大中時贈齊國公

主謚恭懷

萬壽公主下嫁鄭和孫顯主帝所愛下詔先王制禮貴賤共之
公主奉舅姑宜從士人法舊制車輿以鍍金釵飾朕以儉率天
下宜自近始令易以銅主每進見必諄勉篤誨無鄙夫家無忤
時事故諸主祗畏爭爲可喜事顯登進士授弘文館校書遷右
拾遺內供奉階銀青光祿大夫轉起居郎居戚里有罷度陞給
事中禮部侍郎典貢士振拔滯才人多稱之歷刑吏二部大中
十三年檢校禮部尚書充河南尹恩澤無對常赴麟德殿上壽
回因晝寢夢與人聯句續爲十韻云間歲流虹節歸軒出禁扃
奔波陶畏景蕭灑夢殊庭境象非曾到崇巖昔未經日車烏斂
翼風動鶴飄翎異苑人爭集涼臺筆不停石門霧露白玉殿莓
苔青若匪災先兆何當思入冥御鑑虛仗馬華蓋負雲亭白日

成千古金縢閣九齡小臣哀絕筆湖上泣青萍未幾宣宗崩顯亦隨逝

廣德公主下嫁于琮字禮用休烈幼子登第累官左拾遺咸通中以水部郎中爲翰林學士遷中書舍人累兵部侍郎判戶部軋符八年拜同中書門下平章事黃巢陷京師琮病不能從幸巢強起爲相固辭迫脅不已遂爲所害主泣曰夫旣以唐室姻親誼不受命妾李氏女豈可獨存乞併命巢不許乃自縊室中主治家有禮法琮爲韋保衡搆貶韶州刺史從行侍者纔數人鄧州縣餽遺凡內外冠婚喪祭主皆自預行禮諸婦班而見之各勞疏戚咸得其心爲時所稱

懿宗女同昌公主郭淑妃所生下嫁韋保衡帝素所愛兼妃有寵故恩禮最異出降之日傾宮中珍玩以爲贈送之資咸通十

年薨自製挽歌羣臣畢和又許百官祭以金貝萬車厥服火之民爭取煨以汰寶及堯帝與妃坐延興門哭以過柩仗衛彌數十里治金爲備怪寶千計實墓中追封衛國公主謚文懿

昭宗積善皇后生平原公主帝在鳳翔許嫁李茂貞子繼偁后謂不可帝曰不爾我無安所是日宴內殿茂貞坐帝東南主拜殿上繼偁族兄弟皆西向立主徧拜之及帝薨朱全忠移茂貞書取主還京師

冊曰女德彰明全憑士行唐反其常內專外政舊鮮立門新書繁競刪去尋常未爲不幸

唐制親王封戶八百增至千公主三百長公主止六百高宗時沛英豫三王太平公主武后所生戶始踰制垂拱中太平至千二百戶聖曆初相王太平皆三千壽春等五王各三百神龍初

相王太平至五千衛王三千溫王二千壽春等王皆七百嗣雍
衡陽臨淄巴陵中山王五百安樂公主二千長寧千五百宣城
宣城定安各千相王女縣主各三百後相王增至七千安樂三
千長寧二千五百宣城以下二千相王太平長寧安樂以七丁
爲限雖水旱不蠲以國租庸滿之中宗遺詔雍壽春進爲親王
戶千開元初天子敦睦兄弟故寧王戶至五千五百岐薛五千
申王以外家徵戶四千邠王以外枝至千八百及開元末新例
長公主二千帝妹戶千中宗諸女如之通以三丁爲限皇子封
王戶二千公主五百左右以爲薄帝曰百姓租賦非我所有士
出萬死賞不過束帛女何功而享多戶耶使知儉用不亦可乎
於是公主所廩殆不給車服後咸宜公主以母惠妃故與諸公
主皆增至千戶著爲令初文德皇后崩晉王最幼太宗憐之不

使出閣嫌王亦以武后少子不出閣嗣聖初卽帝位及降封相
王乃出閣中宗時譙王失愛遷外藩溫王年十七猶居宮中遂
立爲帝開元後皇子幼多居禁內旣長詔附苑城爲大官分院
而處號十王宅所謂慶忠棣鄂榮光儀頴永延盛濟等王以十
奉全數也中人押之就夾城參天子起居家人進膳引學士入
授書侍讀壽信義陳豐恒涼七王就封入居十宅鄂光廢死忠
王立爲太子慶棣繼薨唯榮十四王居院而府幕列於外坊歲
時通名起居旣又諸孫多乃於宅外更置百孫院宮人每院四
百餘百歲院亦三四十人禁中置維城庫以給諸王月奉諸孫
納妃嫁女就十王宅太子不居東宮處乘輿所幸別院太子親
王公主婚嫁金供帳於崇仁禮院此承平制共附於此